

SAKSPAPIR

Saksnr	Utval	Type	Dato
028/18	Formannskapet	PS	21.03.2018
	Heradsstyret	PS	

Saksbehandlar	ArkivsakID
Bente Skjerpung	16/1995

Skjenkekontroll Osterøyhallen i samband med romjulsdans 30. desember 2017

Vedlegg:

201712300015_Skjenkekontroll_634024

Tilleggsrapport Osterøyhallen 30.12.17

Skjenkekontroll 30.12.2017 - rapport og tilleggsrapport til uttale

Rådmannen sitt framlegg til vedtak:

«Fotlandsvåg idrettslag ved Trond-Martin Balestrand Børtveit vert i medhald av alkoholforskrifta § 10-3, jfr. same forskrift § 10-2, tildelt seks prikkar for overtreding av alkoholforskrifta §§ 4-1 og alkohollova § 4-4 i samband med arrangement i Osterøyhallen 29. – 30.12.17.

Grunngjeving for prikktildeling: I samband med skjenkekontrollen 30.12.17 er det dokumentert at «person åpenbart påvirket av rusmidler» var til stades i lokalet utan å bli bortvist og dette gir tildeling av to prikkar, jfr. alkoholforskrifta § 10-3. Vidare er det dokumentert konsum av alkohol i lokalet utover tillatt skjenketid, jfr. alkoholforskrifta § 10-3 og alkohollova § 4-4. Dette gir tildeling av fire prikkar, jfr. alkoholforskrifta § 10-3.»

Formannskapet - 028/18

FS - behandling:

AVRØYSTING

Rådmannen sitt framlegg vart samrøystes tilrådd.

FS - vedtak:

Formannskapet si innstilling til Heradsstyret:

«Fotlandsvåg idrettslag ved Trond-Martin Balestrand Børtveit vert i medhald av alkoholforskrifta § 10-3, jfr. same forskrift § 10-2, tildelt seks prikkar for overtreding av alkoholforskrifta §§ 4-1 og alkohollova § 4-4 i samband med arrangement i Osterøyhallen 29. – 30.12.17.

Grunngjeving for prikktildeling: I samband med skjenkekontrollen 30.12.17 er det dokumentert at «person åpenbart påvirket av rusmidler» var til stades i lokalet utan å bli bortvist og dette gir tildeling av to prikkar, jfr. alkoholforskrifta § 10-3. Vidare er det dokumentert konsum av alkohol i lokalet utover tillatt skjenketid, jfr. alkoholforskrifta § 10-3 og alkohollova § 4-4. Dette gir tildeling av fire prikkar, jfr. alkoholforskrifta § 10-3.»

Saksopplysningar:

Saksopplysningar:

Bakgrunn

Det vart halde skjenkekontroll i samband med romjulsdans i Osterøyhallen 30.12.17. Ved kontrollen vart det avdekka fleire brot på skjenkereglane, sjå rapport og tilleggsrapport etter kontrollen.

Ansvarshavande har fått brev med kopi av rapportane til uttale, men har ikkje gitt tilsvaer.

Det var to kontrollørar til stades ved kontrollen og dei kom til lokalet ca. kl. 00.15. Det var godt vakthald i lokalet med uniformerte vakter. Etter kvart vart det likevel observert fleire personar som framstod som «åpenbart påvirket av rusmidler» i lokalet. Dette er brot på alkoholforskrifta § 4-1, *Personer som er åpenbart påvirket av rusmidler må ikke gis adgang til skjenkestedet. Dersom en person som er åpenbart påvirket av rusmidler befinner seg på skjenkestedet, har bevillingshaver plikt til å sørge for at vedkommende forlater stedet. Bevillingshaver har plikt til å sørge for at personer som trenger det, får nødvendig bistand,* og medfører tildeling av to prikkar etter same forskrift § 10-3.

Det blei ikkje observert sal av alkohol etter kl. 01.00, men kl. 01.50 var det fortsatt gjestar som drakk alkohol inne i lokalet. Ingen fekk då ta med seg alkohol ut av lokalet. Brot på skjenketidene gir fire prikkar, jfr. alkoholforskrifta § 10-3.

Rapport og tilleggsrapport ligg ved.

Prikktildelingssystemet

Alkoholforskrifta § 10-1 til 10-6 er eit system for prikktildeling ved brot på løyvehavars

alkoholrettslege plikter. Reglane inneber at ulike typar brot blir tildelt eit visst tal prikkar og der tolv tildelte prikkar i løpet av to år vil føra til ein standardreaksjon på inndraging av løyvet i ei veke. Ordninga er obligatorisk og kommunen plikter å følgja dei vilkåra forskrifta fastset.

Innføring av prikktildelingssystemet gir like retningslinjer og mindre bruk av skjøn i inndragingssaker, noko som og gir større likskap for løyvehavarane uavhengig av kva kommune verksemda foregår i.

Tildeling av prikkar som følgjer av brot på skjenkereglane kan vektleggjast dersom det kjem ein ny søknad frå same arrangør.

Vurdering

Rådmannen finn det tilstrekkeleg dokumentert at det var fleire personar «åpenbart påvirket av rusmidler» til stades i lokalet. Kontrollørane observerte deltakarane i lokalet frå ca. kl. 00.15 og fram til ca. kl. 01.00. Det var ca. 400 gjestar til stades og bra med uniformerte vakter. Vaktane greip ikkje inn og gjestar som framstod som «åpenbart påvirket av rusmidler» vart ikkje bortviste frå lokalet. Først etter slåsskamp vart ein person bortvist.

Kontrollørane observerte også at det blei konsumert alkohol inne i lokalet etter kl. 01.30, og det vart ikkje gripe inn mot dette.

Løyvehavar er ansvarleg for at skjenking skjer i samsvar med lov og regelverk, og må leggja opp sine rutiner for å ivareta dette på ein god måte.

Det kan sjå ut som om arrangøren har lagt vekt på godt vakthald om omsyn til orden i og utanfor lokalet, men at ein ikkje har hatt like mykje fokus på reglane for skjenking. Dette var eit stort arrangement med rundt 400 deltakarar, og det er sjølv sagt utfordrande å ha full oversikt over alle til ei kvar tid. Likevel var det mange vakter i lokalet og dei burde sjå like godt som kontrollørane, men dersom fokus var på at det ikkje skulle oppstå bråk eller skader, kan dette ha medført at «åpenbart påverka» personar lettare unngå å bli oppdaga og/eller bortviste.

Kontrollen har avdekka regelbrot som gir seks prikkar etter alkoholforskrifta § 10-3.

Folkehelse – ikkje vurdert
Miljø – ikkje vurdert
Økonomi – ikkje vurdert

Konklusjon

Saka vert lagt fram med tilråding om tildeling av seks prikkar for brot på regelverket for skjenking.